



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

SS. Petrus & Paulus Apostoli. 29. Junii.

[urn:nbn:de:hbz:466:1-62968](#)

(80) 465. (80)

tua *specialis* & *domestica* *virtus hominis* S. Ambros. 3.
offic. cap. 3. Quæ tua *humanitas*? in amore? in
more? in ore? in re?

3. Basilidi, quod conservasset **POTAMIENAM**,
non quidem illæsam ab igne, sed à furore arden-
tis multitudinis, corona obvenit à cœlo **POTAMI-**
ENAM offerente: & ex lictore factus est Martyr
non alieno sed suo sanguine purpuratus. Quanta
manebit corona & merces in altera vita illi? qui
animam proximi ab igne infernali vel custodivit de-
hortando à peccato, & impediendo, vel peccatorē
à peccatis ad Deum reducendo. Quantum econ-
tra penæ illi? & quæ ratio reddenda? qui exem-
pto suo vel iussione perdidit animam Christi san-
guine redemptam?

SS. PETRUS & PAULUS Apostoli.

29. Junii.

Tibi dabo claves Regni cælorum;
& quodcumque ligaveris super
terram erit ligatum & in cælis.

Matth. 16.

Recipiens hodie Roma, misso cum Remo
Romulo, conditores suos PETRUM &
PAULUM

PAULUM salutat, quando huic meliori Or-
bis imperium capite suo pepererunt. Et PE-
TRUS quidem, qui pro Christo in terris
rem Christianam administravit, quæ ad ig-
nem peccaverat, semper oculorum imbre
plectens, cùm captus & in vincula datus ab
Herode, ab Angelo exemptus esset, mor-
bos passim omnes vel umbrâ suâ fugasset;
demum orbem in Urbe adortus Christi
signa primus Romæ intulit. Hic ubi præ-
stigiatorem Simeonem in cœlos (ut ipse qui-
dem ajebat) volantem humi dedit præcipi-
tem, Neronis furori cedens Christum ob-
vium habuit, qui rogatus quò iret, Romam
ire se ad alteram crucem respondit. Im-
plevit vaticinium Christi continuò PETRUS,
sed ut Magistro honorem ce deret, inverso
corpoce tolli in crucem voluit, quò capite
terris, hoc pedibus cœlo jam propior.
Jam PAULUS ille cœli etiam ante fata civis,
ille Nominis Jesu per omnem orbem præco,
post edita miracula & litterarum oracula
quæ plurima, hoc ipso dic PETRO trium-
phantи collega additus, securi percussus est.
Caput sanguinis loco primò lac, deinde ter-
geminos fontes totidein saltibus dedit, oleū
intc.

interim effusum, JESU nomen clamando, im-
miscens. Agnosceres tam pretiosis liquori-
bus refertum electionis vas esse. Ex hist. Eccles.

M E D I T A T I O

De SS. Apostolis Petro & Paulo.

1. Viderat Petrus pleraque Jesu Christi mira-
cula, Iesum tamen ter negavit, ac ipso
quidem Passionis tempore. Pro! quanta est huma-
na fragilitas! Cum timore & tremore operemur sa-
lutem nostram; ne desperemus tamen: nos quip-
pe, si respexerit Iesus, salvi sumus: peccata lugeamus
exemplo Sancti Petri, cuius ex oculis duo lacry-
marum rivi jugiter erumpabant, cum recordaretur
perfidiae suæ. Sacrifica lachrymas, tanquam vulnerati
sanguinem cordis. Aug.

2. PAULUS ex persecutore fit Apostolus. Quid
sumus? quid fuimus? ut vera sit conversio nostra,
imitari debemus S. Pauli in via virtutis constanti-
am, adeò, ut citius vitâ quam gratiâ careamus. Stu-
deamus pariter, ejus habere patientiam, animarum
studium, humilitatem, & in Christum amorem.
Audi, quid dicat S. PAULUS, Imitatores mei esse,
sicut & ego Christi.

3. Vide, quibus honoribus hi Apostoli in terris
nunc afficiantur. Reges, Imperatores, Summi
Pontifices supplices abjiciunt se ad cineres pisi-
toris, & artificis; norunt quippe, maximam eorum
in cœlis potentiam, & dignitatem. Honorum cu-
pidi, quid præ his honoribus sunt honores sculi!

o) 468. (o)

si tantus honor sanctis in terra adhibetur, quid
in Cœlo? sanctorum virtutes imitemur, & quam
consecuti sunt gloriam, nos pariter consequemur.

S. MARTIALIS EPISCOPVS.

30. junii.

*Nihil intulimus in hunc mundum,
haud dubium, quod nec afferre
quid possumus.* Paul. 1. ad Tim. cap. 6.

NON mirum si tam mira præstitit hic
Galliz Apostolus, qui duodecim An-
gelos habuit in ea convertenda adjutores.
Miraculum certè ingens esse oportuit. Cu-
jus, vel solâ famâ moti, hominum mil-
lia quindecim, desertis idolis Christo se ad-
dixere. Factum tam fortè prodigium in Va-
leria Virgine que ob castitatem Deo jura-
ram, cùm sponsalia Aquitanis Ducis recu-
saret, decapitata ab irato fuit: at suis manis
bus de terra sublatum caput truncata ad
operantem sacerdos Martialem asportavit, qui
caput truncò, animam corpori, vitam vir-
gini momento restituit. Atque hoc multos:
plurimos adolescens oratione movit, qui

à Sag.